

(= estas plue, ne estas finita), sed oni ne povas diri : *mi ~as labori* (= mi estas plue labori, mi ne estas finita labori). Ankaŭ ne estas bone diri, kiel mi mem bedaŭrinde faris kelkfoje : *mi ~igas labori* (= mi igas esti plue labori). Oni devas diri : *mi ~igas mian laboron* (= mi igas mian laboron esti plue) aŭ : *mi laboras plue.* **Mal~a, sen~a, ne~a.** Ne~anta : ne~a pluvo (Kp MOMENTA, PASANTA, EFEMERA. Vd VEZIKO).

**dazipo** <sup>48</sup>. G. de malgrandaj mambestoj, kies dorso estas kovrita de skvama karapaco (*dasipus*).

\* **De.** 1<sup>a</sup> Prep. montranta : **A)** Rilatante al verbo : 1 La punkton de la spaco, kie komenciĝas movo, la malproksimigon, la deiron, k metafore la malsimilecon, la devenon : *foriri ~ iu loko*; *veluri ~ Parizo ĝis Berlino*; *desalti ~ ĉevalo*; *la vazo falis ~ la tablo*; *puŝi ion ~ si*; *ti mezuris la larĝon ~ loko de la pordego ĝis la korto Z*; *savu min ~ miaj malamikoj*; *viŝi ~ sia vizaĝo la ŝviton*; *ili diferencas ~ ni nur per la koloro*; *deveni ~ nobela gento*; *ricevi ~ iu donacon, gratulon*; *la helpo venis ~ li*; *salutu lin ~ mi*; *forkuri ~ antaŭ iu Z*; *eliris ~ apud li ĉiuj Z*; *sin levi ~ ĉe la tablo Z*; *ŝi prenis mian filon ~ ĉe mi Z*; *preni ~ super la kapo de iu Z*; *ekstermi popolon ~ sur la tero Z*. Kp FOR DE, DELOKE DE, EL, DEVENE DE, KAŬZE DE, KOMISIE DE. 2 La punkton de la tempo, kie komenciĝas ago : *~ nun*; *~ mateno ĝis vespero*; *~ du jaroj li malsanas*; *~ tiu tempo Z*; *~ tempo ~ siaj plej junaj jaroj Z*; *~ eterne*; *~ post la apero de homo Z*; *konsekrita al Dio ~ el la ventro de sia patrino Z*. Kp DE POST, TUJ DE, EKDE, DETEMPE DE. 3 La metaforan devenon, la kaŭzon : *tremi ~ febro*, *paliĝi ~ kolero*; *dispremita ~ timo*; *la aĉro resonis ~ bruvo terura*; *~ kantado senpaga doloras la gorĝo Z*; *ili malaperis ~ subita teruro Z*; *ili ebriiĝis, sed ne ~ vino Z*; *la tero pleniĝis ~ maljustaĵoj Z*; *ne satigas la okulo ~ vidado Z*. Kp PRO, KAŬZE DE. 4 La aganton de la ago esprimata per pasiva aŭ pasivsenco verbo : *li estis ĉirkaŭita ~ la tuta familio Z*; *ŝi estas amata ~ ĉiuj*; *dika branĉo rompiĝis ~ la vento*; *la tero estas kovrita ~ neĝo Z*; *la tablo estis kovrata ~ la ser-*

*vanto per tapiŝo*. Kp FARE DE, DE LA FLANKO DE, INICIATE DE, PER. 5 La apartenecon : *~ kiu estas tiu libro* (al kiu apartenas tiu libro, aŭ kiu estas la aŭtoro de) ?; *tio dependas ~ la cir-konstancoj*.

**B)** Rilatante al subst. : 6 La pose-danton : *la libro ~ Petro*; *la genio ~ Zamenhof*; *la palaco ~ la reĝo* (reĝa p.); *la kanto ~ la birdoj* (birda k.); *la ĉirkaŭaĵoj ~ la urbo*; *li estas la fiero ~ sia patro*. 7 La posedatan econ aŭ la rilaton inter du substantivoj, el kiuj la dua estas mezuro de la unua : *ĉevalo ~ blanka koloro* (blankkolora ĉ.); *potoj ~ kruĉoj ~ plej diversa formo k granda B*; *floroj ~ nekompareblaodoro B*; *homo ~ granda talento* (grandtalenta h.); *sakoj ~ diversaj grandecoj*; *bestoj ~ sama speco* (samspecaj b.); *libroj ~ sama valoro*; *afero ~ duba karaktero*; *sumo ~ mil funtoj*; *alto ~ dudek metroj*; *ni iru vojon ~ 3 tagoj en la dezerto Z*; *daŭro ~ tri monatoj*; *alingi la aĝon ~ okdek jaroj*; *vi faris eraron ~ tri frankoj*. 8 Difinitan limigitan apartaĵon de pri-parolata aŭ jam priparolita aĵo : *donu al mi pecon ~ tiu kuko Z*; *akceptu duonon ~ la kuko, kiun mi aĉetis*. Kp DA. 9 La aganton de la ago, kiun esprimas subst. derivita de verbo : *la amo ~ la gepatroj al siaj idoj*; *la ekspluatado ~ la homo al (aŭ je) la homo*; *la mortigo al (aŭ je) la edzo de lia edzino*; *la konkero al (aŭ je) Anglujo de la Normanoj*. Kp FARE DE. 10 La objekton de la ago, kiun esprimas subst. derivita de verbo : *mortigo ~ homo estas krimo*; *la preparo ~ la venonta kongreso*; *la prezentado ~ Hamleto en Antverpeno*; *la enkonduko ~ esp-o en la programojn*; *mi dankas pro la komuniko ~ via letero*; *multaj estas la elpensintoj ~ lingvoj internaciaj*. RIM. La uzo de **de** 9 k 10 post verba subst. naskas kelkfoje konfuzon : *la nutrado ~ la infanoj ~ ilia patrino estas la plej sana*; *la akcepto ~ la kongresanoj ~ la urbestro okazis hieraŭ*; *mortigo ~ la edzo ~ lia edzino*. Por tion eviti oni povas uzi du rimedojn : 1) Anstataŭigi **de** 9 per prepozicia esprimo : *nutrado ~ la infanoj fare ~ ilia patrino*; *akcepto ~ la kongresanoj fare ~ l'urbestro*. 2) Anstataŭigi **de** 10 per **al** aŭ per akuz. aŭ ĝia anstataŭo. **Je** : *nutrado la infanojn (aŭ*